

Njoftohet se Izraeli në muajin tetor ka vrarë 7 palestinezë dhe ka arrestuar 350 të tjerë, raporton Anadolu Agency (AA).

Sipas një raporti të publikuar nga Qendra Kërkimore për të Drejtat e Njeriut dhe të Burgosurit Ahrar, ushtarët izraelitë dhe kolonët hebrenj në muajin tetor kanë vrarë 7 palestinezë, 4 prej tyre fëmijë dhe kanë arrestuar 350 të tjerë, 3 prej tyre gazetarë.

Në raport theksohet se 15 prej të arrestuarve nuk i kanë mbushur 18 vjeç dhe shumica e rasteve të arrestimeve kanë ndodhur në Jerusalem. Gjithashtu në raport përmendet edhe rasti i arrestimit të 2 personave nga 6 peshkatarët në Gaza me pretendimin për kalim të kufirit. Rreth 7 mijë të burgosur palestinezë ndodhen në burgjet izraelite.